



400-

26 18080









# L'HOMME

---

## DE DIOGENE.

**I'**Admire Diogene ta stupidité, & ton aveuglement tout ensemble, & m'estōne qu'un homme de ton aage qui a veu tant de modes, n'ayt encores peu rencontrer, ou voir en France vn seul homme de bien, depuis le temps que tu y es, & que tu la cours, chose estrange ! & dont on ne se peut assez esmerveiller qu'un homme sage soit tombé en si grande ignorance ou en si extreme malice que le dissimuler, puisqu'au lieu d'un, i'en trouueray a centaines, & apres à millions.

En Athenes Diogene, ta retraicte en Athenes, la France n'a besoing d'estre esclairee, en plain midy de ta lanterne, nous y auons des hommes: mais des hommes de bien en tous les ordres, bons François, bons subiects & fidelles a leur Prince.

Grande Princesse des Reynes, la fleur & l'ornement du monde, protectrice, & conservatrice de ce grand Empire, permettez que sous vostre Auguste nom, sous le bon-heur, de vostre regne, ie face voir à la posterité la calomnie de ce Grec, combien la France a d'hommes, combien elle a de gens de bien: que ie

A

CASE

F

39

326

1615 hom

2

reproche a cét ingrat l'obligation qu'il nous a commune avec toute la France, que i'arrache avec paroles de verité & Françoises, du cœur de tout le monde, la fauce creance qu'il y veut imprimer: mais Auguste Royne, ne trouuez estrange, ie vous supplie, si au recit des deffaux que Diogene remarque, ie me récōtre par fois avec luy, & luy presse l'espaule: Ayez agreable grande Royne, que ie les die, en sorte toutesfois que la gloire de la reformation, que nous en esperons, en sera double. Je suis Grande Royne bon François & tres-fidelle suiect de mon Prince, & quelque iniuste & mauuais traittemēt que i'aye receu pour auoir bien seruy, quelque iuste suiect, que i'aye de me plaindre, le ressentiment de mon mal ne me sera dur à porter, ie beniray la pesanteur des fers, & la rigueur des flames, pourueu que ie serue a mon Roy, & a ma patrie.

Diogene ie reprens tes plaintes, & d'abord avec toy ie recognois, ie sens, ie touche les desordres qui ont esté dans ce grand Estat, desordres quil'ont mis aux abbois, qui l'ont reduit sans ame, mais si tu estois François, & non Grec, si bon subiect, non peu fidelle à ta patrie, tu scaurois qu'ils ont pris leur naissance, leurs progres, & accroissement, dans les fureurs dernieres de la Ligue, & que le grand Henry, ayant commencé d'y mettre ordre en a delaisfé le soing, par la mort funeste a ceste illustissime Princesse, la Royne nostre cōmune mere: Royne qui au plus fort de ses larmes, & au plus espais de ses ennuys, a soustenu d'estran-



ges alarmes, des hurts bien furieux : car dès la mort de ce grand Prince, qui n'a veu la France toute couuverte de Roys, & chasque subiect en humeur de se preualoir de nostre desastre. Prudente, si iamais Princeesse la fut, & qui avec la conduite de trois les plus grands hommes du monde, en toutes parties, a maintenu & a sauué le Roy son fils en son estat iusques a present.

Ignore-tu Diogene, l'apprehension que cette grande Princeesse eut du Roy son fils, voyant le Roy son mary mort : ignores-tu le soing qu'elle eut de son estat dans l'abandon de ce cruel mal-heur : ignores-tu qu'elle qui estoit femme ayt changé, & ayt passé tout a fait en vn instant en homme.

Hé Diogene, quel courage eust resisté a ce premier effort, quel effort eust soutenu cette rude secousse : s'est fait toutes-fois, & fait avec plus d'admiration & avec plus de vistesse que ie ne le puis dire, & que tu ne le puis imaginer : nostre Roy mort, la France armée, les subiects desbandez, places saisies, on voit toutesfois tout a coup nostre Roy, vray Roy par la prudence de sa Mere : par le Conseil de ses bons officiers, tout paisible, tout en deuoir.

Ne vante plus les hommes de ta contree, ne nous rapporte plus la valeur de ses citadins, ne nous d'y plus, que les Grecs sont incōparables : Cache-toy, Diogene, nous auons des Soleils qui n'eclipsent iamais, ils sont tousiours entiers

4

tous luy sans, des estoilles brillantes, des rayons plus vifs & plus forts que tout ce que tu as mis a hault pris en tes terres. Nostre Royne est la Royne de l'Vniuers, routes choses luy font hommage, & n'est pas iusques a ceux qui n'ont aucune cognoissance des hommes de ce monde, qui ne se viennent prosterner a ses pieds, qui ne desirent prendre loy de sa bouche, qui ne la demandent pour souueraine.

Aussi Diogene ne te scandalise point si en France, si a Paris on se mocque de ta lanterne, si on mesprise ta vanité, l'õ se rit de ta folie, nous y auons des hommes, mais hõmes vrayement François. Sillery digne Chancelier de ce grãd Estat, que nous dittes vous? Villeroy Conseiller fidelle ou estes vous? Ianin que faictes-vous: on nous demande des hommes, on les cherche avec la lanterne: & vous estoilles brillantes, bruslantes, & esclairantes de ce grand estat vous ne dittes mot: hé ou estes-vous?

Diogene les hommes que ie te nomme sont inimitables & admirables: c'est pourquoy ne t'estonne point, si tu ne les trouue parmy les ruës, parmy les marchez, & parmy les foires: ce sõt persõnes qui paroissent, pource qu'ils sont, non pour ce qu'ils veulent qu'on les prise. Entre dans les affaires, dans l'espais des difficultez, dans le gros des Couronnes, tu les y verras, non en hommes sauuages, mais en hommes d'Estat, & bons François.

Sçache de Bearn ce que ce grand Sillery a fait pour nous & pour l'estat sous le regne



de Henry III. que<sup>s</sup> Sully<sup>s</sup> raconte a la posterité  
l'industrie, l'adresse & les seruices de ce grand  
hōme, publie sa fidelité & son affection au ser-  
uice de son Maistre pendāt la fureur des guer-  
res: Quelle die tout haut & clair, si ce n'est  
pas luy qui s'est engagé, qui a baillé son bien &  
sa vaisselle pour acquerir & conseruer les ar-  
mes au bien de cest Estat: que la France die la  
dexterité de sō esprit lors dela paix d'Espagne:  
que Rome publie les seruices ou elle la veu oc-  
cupé les offices qu'il a rendus a ses citadins,  
le bien qu'il a fait aux François: Que Toscane  
raconte l'honneur qu'il luy a fait lors du ma-  
riage de nostre Royne: Que la France se sou-  
uienne de son voyage en Suisse lors du feu  
sieur de Biron: Bref Diogene tourne toutes les  
parties du monde & tu trouueras que Sillery  
est par tout tousiours homme, s'est a dire agis-  
sant seruant & bien faisant.

En la guerre il est admirable aux Conseils,  
iuste en la conduite des Estats tout diuin tous-  
iours homme, Diogene, tousiours François.

Les troubles, les seditions, & les fureurs  
ciuiles qui sous nos Roys Henry deuxiesme  
François II. & Charles I X. auoient pris  
piéd en cēt Estat sous pretexte de reforma-  
tion s'estans esclatez sous Henry III. de quel  
instrument s'est on serui en France que de ce  
François President Bruslart. Il conduit la Roi-  
ne Catherine mere de nos Roys vers le chef de  
cette guerre, s'y conduit en sorte que si le profit  
en vient au Roy & a son peuple, l'honneur est  
deu a ce President.

Deslors cét esprit né aux plus grâdes charges, fit paroistre que le Palais n'estoit plus occupation digne de la beauté de son ame : Et bien que rendre sincerement la iustice soit acte de diuinité, il n'oublie point celuy-là rādis que sō maistre l'occupe a d'autres choses: le voila dās les affaires, la Ligue est le subiect de sa vertu : Car Henry quatriesme succedant a la Couronne par la mort de Henry troiliesme, voyant non seulement son Estat, & ses subiects bālez contre luy, mais encore tous les amis & alliez de ceste Courōne, choisit ce digne President pour son ambassadeur en Suyse, ou il fit ce que iamais François n'auoit peu faire qui est de retenir pour le bien de la France les volontez de ce peuple que la Ligue auoit diuisez, & que la necessité d'argent nous auoit fait perdre. Il y agit si puissammēt que pour seruir son maistre il mesprisa ses biens, engagea son equipage et sa vaisselle, s'y obligea en son propre nom : Bref exposa sa vie pour le salut de sa patrie: ce sont des hommes, Diogene, que ie te nomme, et que ie te fais voir.

Venons en France, et voyons ce que ce President y a faict: la Suyse assuree a la France, il trauersē la difficulté des chemins occupez par les ennemis de son Prince, ioinēt sa Maiestē, la sert en son Conseil de guerre : est employé aux conferences de la paix et la resoult avec tel aduantage qu'apres la prinse d'Amiens, la France reprend la Bretaigne, Calais, Ardres et autres Villes que l'infidelité des François auoit mis ez mains de nostre commun enne-



my, ou que la force de leur canon s'estoit acquis sur nous : tellement qu'en ce traicté de paix, il tesmoigna sa capacite & son zele.

La paix, faicte le Pape s'en resiouyt par ses Legats: le Roy d'ailleurs desirant tesmoigner au sainct Siege son affection y enuoya ce President qui est receu de la saincté fort fauorablement, tant pour la consideration de celuy qu'il representoit, que pour son propre merite, & au seiour qu'il fit a Rome, il se porta de telle sorte que l'alegresse de sō arriuee n'a rien esté au prix du desplaisir, que toute l'Italie a eu de son départ.

Pendāt ce temps qu'est-ce qu'il ne fit point pour son Maistre, & pour sa patrie, tant pour rompre les ligues de l'Espagne que pour empêcher l'Estat de Monsieur de Sauoye & tenir sa Saincteté en bone vniō avec le feu Roy.

Il voit Florence, il traicte le mariage de la Royne, la conduit en France, la fait espouser, & pour couronne arreste la paix de Sauoye: mais le Roy ayant esté mal seruy en ceste guerre, & les Suisses faisans mine de se departir de nous, luy seul restablir en leur amece que les mauuais François en auoiet osté & affermit tellement leur seruice a ceste couronne que depuis nous n'auons eu affaire de renoucler l'Alliance, tant elle est bien sciementee.

Reuenons en France, Diogene, car il faut que ie te pourmene par tout? Qui cōseilla au Roy, la punition des traistres, que ce grād Presidēt, qui y seruit mieux le Roy, que



luy? toutes ces choses que ie te dis en gros, sans entrer dans le menu qui le font plus grand, qu'il ne paroist, luy ont faict meriter d'estre Chancelier chef des Cōseils du Roy, & les seruices qu'il a rendus a l'Estat des le iour de l'assassinat commis en la personne sacrée du feu Roy, & ausquels il continue a tous moments, le rendent si grand dans la memoire des hommes qu'il est acraindre que Sillery mourant la France ne trouue guerre d'hommes, & seroit necessaire pour le bien de l'Estat, ou qu'il fut immortel ou que nous ne fussions plus quand il defaudra.

Calomnie, Diogene, tant que tu voudras, parle librement & a bouche ouuerte, son integrité rebouchera la pointe de tes mesdisances, sa vie descourira tes calomnies, & l'honneur dont itioüitte rendra tout couuert de honte, il est l'homme que demãde la France, qui apres auoir passé toutes les charges de Iustice: en fin est paruenü au degré d'estre le Chef de la Iustice: qui apres auoir esté e guerre Cōseiller de guerre, l'a atterrée pour nous procurer la paix, & la nous maintenir: Bref c'est luy qui ayant seruy pour establir le feu Roy a la Couronne depuis la mort funeste la cōseruee, sur la teste du Roy a present regnãt: homme digne de commander a autant d'Estats qu'il y en a au monde.

Que puisse ta belle ame long temps regir l'empire des François sous nostre auguste Prince, & par tes loix saintes & salutaires establir dans le cœur des ennemis de ta gloire,



gloire, la honte de leur méchanceté, & le regret de leur calomnie, ou le desir de seconder les saintes entreprises.

Venons aux autres, tu as veu Villeroy, est-il possible, Diogene qu'après luy tu cherche vn homme, Villeroy que la Turquie estime, que l'Italie honore, de qui la France fait son Palladiū, & que les Princes estrangers tiennēt en telle admiratiō qu'ils l'adorent. Ha Diogene, peux-tu ignorer les seruices qu'il a rendus à Charles IX. ceux de Henry III. ce qu'il a fait pour Henry III. & sous le Roy a present regnāt. Souuiē-roy de S. Menehoüe, passe par Poictiers, voy la Bretagne: & tu scauras qu'il est, creue tes yeux & bouche tes oreilles puis que tu ne peus cognoistre cet hōme.

Que dis-tu de Iannin, ne le trouue tu point encor pour vn homme, nous le tenons pour tel, & pour tel nostre grand Henry l'a il cognēu & estimé si d'elle, si iamais homme le fut grand porteur de Iustice, incorruptible, homme en vn mot.

Cours cet Estat, enqueste tous les habitans qui y resident, scache ou sont nos hommes, ou cornera, & criera apres toy de n'y cognoistre nos hommes, mais passons outre Diogene, entrons sur les plaintes, voyons ce grand Royaume, ie t'y conduiray par la main, & pied a pied ie t'y feray voir des hommes, & hommes tels que tu les cherche, tels que tu les demande.

Tu cherche vn homme en l'ordre qui est le plus sainct, & sacré de l'Estat, & ou es-tu,



Diogene, puisqu'ayāt l'honneur cōme tu dis d'en estre tu n'y en as peu trouuer vn seul. A la verité Diogene, ie conuiens avec toy que dans ce grand corps il s'est rencontré fort peu de bons François, & fidelles suieets, fort peu de personnes a l'endroiēt desquels la personne de nos Roys, a esté en veneration, mais grand nombre qui en ont voulu supprimer l'autorité, & la puissance la faire tributaire d'autre Couronne, dessier les subjects du serment de fidelité, abolir les Arrests de ce grand Senat de Frāce & vn mot qui nous ont voulu ietter, dans toutes sortes de *Dangers*, & tu en as mesme nommé des *sourdis-tu* : lors qu'on a parlé pour le Roy, & d'autres qui en seruent *desperron*, cōtre leur sacree personne cōtre nos libertez, qui sous le daix mesprisent les Parlements, qui de *Poictiers*, ambitionnent le pourpre: ingrats qui ne peuuēt se souuenir que leur bon-heur & grādeur ne procedent que de la liberalité du feu Roy, que de celle de sa Majesté a present regnant, & que nos Roys, ne les tiennent en rang dans leur Estat que tant qu'il leur plaist.

Mais Diogene, encor faut-il recognoistre qu'en ces mesmes personnes, on y trouue quelque chose de remarquable: en l'vn tu y verras vne integrité de vie, en l'autre vne doctrine suprême & aux autres vne parcelle de bien faire: & certe vn d'entre eux eust esté bien estimé apres sa grande harāgue du Vredy Ianuier, s'il n'eust molly, & s'il n'eust fleschy a l'endroit de ceux dont il auoit dé-



couuert les deportemens : Cela toutesfois Diogene, n'est point en estime parmy nous, puis qu'il ne confere aucune chose au bien, & seruice du Roy, hors de là, les hommes ne sont point hommes.

Non, non, la France n'est point sans Euesques, sans bons subjects. O que Paris a de grands hommes de bonne vie & de Doctrine, qui aymēt, & honorent leur Prince, tousiours leurs Rets tēdus pour bien seruir, pour bien agir, tousiours fīdelles, & qui imitans la generosité de leurs peres ne s'escarterōt point du debuoir de tres-humble sujet : ce sont les piliers, ce sont les *Gondis-ies*, de l'Eglise Gallicane, de l'Eglise Françoisē.

C'est la Diogene, ou tu trouueras ton homme dont si les ancestres ont tresbien meritē de l'estat, ceux qui sont a present, ne serōt pas moindres, c'est ou tu te plairas, quand tu l'auras goustē.

Combien t'en pourrois-je nommer, Diogene, qui pourront passer pour hommes cōbien t'en pourrois-je faire voir, si cēt ordre n'auoit esté sally par certain nombre qui y ont esté promeus plustost par importunitē, que par merite : mais i'ay vne si grande honte de la laschetē quia esté commise par ce College sacrē, que peu s'en faut que ie ne die avec toy qu'i n'y a pas vn homme.

La memoire des Barrieres des Chastels & des Rauaillacs me sera tousiours presente, tant que i'auray vie il me souuiēdra de l'assassinat commis en la personne de nos Roys, ie n'ou-

blieray iamaïs que la France seule est la mere des assassins de les Princes, Cependant ne se trouuera-il aucun qui nous en deffende. Au contraire il y en a qui les authorisent au lieu de les rejeter : puis qu'ils m'esprisent les Conciles qui les condamnent qu'on les oste du rang des Conciles, & qu'on veut excommunier les Parlements & bons François qui les soustiennent : aussi as-tu raison, de te plaindre que dedans ce grand ordre on ne trouue guere d'hômes voyôs ailleurs & sçachons ce qui se fait en l'ordre de la Noblesse.

La Noblesse, Diogene, de tout temps, maintiét la Couronne de nos Roys, ie ne me dois amuser, a t'en rapporter icy l'histoire, mais certes a ce coup elle a bien fort degeneré de son premier estat, car qui se fust iamaïs peu persuader, quelle qui a plusieurs fois exposé sa vie pour le salut de son Roy, se soit a present despartie de ceste affection, & de ce deuoir, sous esperâce de quelque legere recompense. Quoy est-il possible que ceste genereuse Noblesse qui a autrefois tout osé pour sôn Prince legitime, qui a passé les mers pour le redre seigneur de toute la terre, qui n'a iamaïs apprehendé la difficulté des montaignes, qui a planté les fleurs de lys iusques dans Rome, pour venger l'iniure faicte a ses Roys, qui a conquis toute l'Italie, & hazardé sa vie pour la nous conseruer, mesprisé les excommunications du Pape, & detesté les meurtres, & assassinats de nos Roys, Apresent qu'il a esté question de tesmoigner sa fidelité, elle mollit,



elle feschit, elle s'oppose à ceste loy souveraine de l'Estat, *que le Roy ne relene d'autre que de Dieu, & de son espée*, a souffert que les Arrests de ce grand Parlemēt de France ayent esté non seulement suspendus mais censurez.

Ne se souviēt-elle plus que cēt auguste Senat est le siege des Roys, & de la iustice: que c'est de ce grād corps, dont naist le bien de la France & en fin l'exemple de fidelité: a-telle desia oublié les rigueurs dont ce grand Parlement a esté poursuivy pendant la Ligue, la resistance quelle a faicte aux desseings de nos ennemis: bref que la Noblesse mesme est de ce corps, & toutesfois il faut qu'à present elle recoine la honte de ce reproche.

Tu y trouueras toutesfois des hōmes Diogene, encor y a-il quelques bons François, tu en as veu qui imitans la generosité de leurs ancestres ont franchement parlé, ont librement dit dans ceste grande assemblée, ce qui estoit necessaire, pour le bien de la France, pour le seruice de leur Roy, *O que Beauuais, & Commeruille sont bonnes Villes*, quin'ont cognu autre chose que le bien de l'Estat; les recompences ont esté en mespris en leur endroict: mais la troupe est petite & foible, & l'esperance des charges & des pistoles a jetté l'*Ancre* de plusieurs sur l'infidelité plustost que sur le bien du seruice du Prince.

Le deffault vient de ce que tout le monde est maintenant noble en France, & qu'on ne recognoist plus les vestiges des anciens Gau-



lois, de ces braues champions, de ces vieux Palladins, qui rendoient la France redoutable à toute la terre: Nostre Noblesse n'a esté composée à cette dernière assemblee, que en partie de maisons illustres, le reste sont gens fraichement nays, tout fraichement Nobles, ou par vne lettte ou par vsurpation.

Tant y a Diogene que tu y trouueras, encor des hommes qui allans, & venans des des Augustins ont tousiours les yeux sur l'effigie de ce grand Monarque qui est sur le pont neuf, qui n'ont iamais esté que bons François. Que si tu veux sçauoir pourquoy on a mis le feu Roy armé, tenant vn baston a la main, le visage au Palais, & la veuë droit a S. Innocent, c'est parce que scachant bien que les mauuais François abandonneroient le Roy son fils a sa necessité, qu'ils attenteroient a son autorité, & que ceste matre estoit encor au hazard de courre la fortune d'un second assassinat il s'est voulu planter au milieu de la Ville entre la terre, & l'eau pour esteindre le feu, & les maux qui naistront a la France de la tenue des Estats, & pour chasser ceux qui attenteront a l'autorité de son fils, recognoistre ceux qui luy seront fidelles & pour ce il s'adresse a la iustice de son Parlement l'exhorte par son sacré sang de pouruoir a la seureté de son fils.

Et qu'estoit-il besoin Diogene, de le tourner du costé du Louure, puisque la Royne, a pourueu a tout ce qui estoit necessaire a sa

Majesté, & que le bien de son service dependoit en partie des Augustins, partie de ce grand Parlement: mais l'un ayant fait ce qui estoit de sa charge l'autre en a demandé la surceance.

Et ne vois-tu pas bien que pour s'assurer sur cette apprehension il s'est logé au milieu, de deux de ses neveux qui tiennent les deux bouts du Pont-neuf, & en rendent ce passage seur & libre aux bons François, si bien qu'ayant au deuant la Justice du Palais, derriere la force du Louure, & sur les aisles la fidelité de ses parents, difficilement peut-il craindre vne mauuaise rencontre.

Si tu te veux promener dans les maisons des grands, Diogene, approche le Louure, tu y trouueras de belles, & *Longue-Ville*, d'ou sortent de grands & puissans Retz, Villes-grandes en toutes parties, & aussi belles qu'on a faict autresfois. *Orleans*, point de marquignonnage parmy, tout Prince, tout Royal ou ny l'esperance ny les promesses n'en peuvent desbaucher les Citadins, tousiours fidelles a ses Princes tousiours seruiteurs du Roy. Ha que tu les as bien sceu choisir dans la France, & pourquoy te plains-tu que tu ne trouue point d'hommes, puisque tu as bien sceu remarquer vn ieune Prince, mais Prince François.

Passé l'eau, & tu y verras encor' des *Nevs*, & quoy pense-tu que le feu Roy eust voulu estre placé sur le milieu du pont, au hazard, de tant d'ennemis passans s'il n'eust esté bien asseuré de ses neveux, dont l'un



est a sa dextre, & l'autre à la gauche, ce sont Princes, que ie te nomme ses Parents, bons subiects bons François.

Trauerse le Louure, tu y trouueras des *Cesars*, fils de ce grand Monarque qui ont bien faict iusques icy. Cours dans la Ville & tu y verras que chascun est faict à la *Guyse*, & celuy qui n'a point abandonné son Roy en ces derniers mouuements, au fort de ces fatigues & voyages: dōne iusques à la Bastille, & tu rencontreras des Princes qui scauent tousiours bien faire, soit qu'ils soient en Espagne, soit qu'ils soient en France, soit qu'ils soient en guerre soit qu'on traicte d'accord, & de paix, tousiours François, tousiours hommes: Ioignōs encor en ce mesme rang de bien faire, la Tourines branlable de l'Estat, fille ainee en fidelité, & obeissance home encor, tel représenté, tel estimé de tous bons François.

Ha Diogene, si tu te fusse rencontré à Paris lors de l'assassinat commis en la personne du feu Roy, tu aurois bien veu que nous auons des *Ducs & Pairs* non, estrangers, non mauuais subiects, mais tousiours hommes, tousiours bons, & fidelles François: Car qu'elle gloire n'acquit point celuy-là qui toute la nuict fit la ronde autour du Louure, logea les Gardes, & ne partit iamais d'avec les soldats, iusques a ce que son nouveau maistre, eust esté aux Augustins, eust esté reconnu & veu en son lit de iustice.

Ie ne veux point dire les fatigues qu'il a souffertes, les hazards auxquels il s'est exposé



posé pour le seruice de ses Roys : les marques glorieuses qu'il en a sur sa personne, & sa reputation le teimoignent assez, qu'il te suffise Diogene qu'il est homme, & comme tel ne pense point qu'il persuade iamais l'alliance dont tu le blasmes : la grandeur de son courage ne s'auillira point iulques-là : il est trop brave Diogene, trop bon François, trop homme.

Venons au Louure, voyons nostre Roy, ceste image viue du feu Henry le Grand, tu te plains Diogene, qu'on le nourrit en enfantilage, & tu ne prens point garde que la vertu naist avec les Princes, que c'est vn esprit tout Diuin, & qu'il a faict à quatorze ans ce que autre ne scauroit faire à vingt. L'exemple de Charles quint que tu rapporte est beau, mais nullement necessaire d'estre suuy, on le nourrissoit en la haine de ses ennemis, on luy semoit en l'ame le meurtre & le sang, on le faisoit cruel & Tigre : Nous au contraire desirans la clemence, l'humanité, & le bon naturel à nostre Prince, voulons la paix avec ses ennemis, la recherchons avec tout le monde.

Les Roys n'ont que trop de courage, & d'ambition : Il est necessaire de les instruire en quelque moderation, autrement quel bonheur pourroit-il arriuer à leurs peuples : car d'estre tousiours en guerre, tousiours en trouble, quel repos pourroient ils auoir. Pourueu qu'un Prince sache regner c'est assez, mais c'est tout aussi : or ceste science de bien regner est tousiours infuse dans l'ame des bons Princes, le surplus n'est qu'ornement. Le temps & l'usage apprennent aux Princes, ce qu'il leur pourroit.

tourner en default. Donne loisir au Roy de croistre & tu verras qu'il sera vrayement Roy & ne cederà à aucuns de ses deuanciers.

Nous n'aurons pas besoing de chercher des Princes puisque la Maieité esclaire des son leuant, & donne dès le matin les rayons de vertu sur ses subiects, & qu'avec l'adresse de la Royne sa mere, le Conseil, & l'assistance de monsieur le Prince il se rendra inimitable, pourueu qu'il soit *se Condé*, c'est assez.

Nous voila tantost bien auant dans la France Diogene, ie passe par tout ou tu as enuie de voir des hommes: venons au tiers estat: Tu te plains qu'il y a des Catōs, & des Cicerōs à force, mais point d'hōmes, point de Frāçois: Et qui est ce qui a soustenu l'autorité de nos Roys, qui a porté les Arrests de ce grād Parlemēt que le tiers estat? & biē que les longs & grands discours ne soient point necessaires à bien faire, il a esté necessaire toutefois de beaucoup parler, & agir vertueusement & puissamment pour le seruice du Roy & du public.

S'il a esté iuste de maintenir la iustice en son entier le *Mesme* en a il esté faict au reste de l'Estat, & qu'en tout le reste sera de *Mesme*, la France ne sera que bien. Ne deuons nous pas nous promettre tout bien de celuy qui né dans les grands biens, a mesprisé tousiours le bien pour bien faire, de qui le pere à les mains sainctes, & dont le grand pere est logé au rang des hommes illustres de son temps: & te persuader, que ceste balance de iustice qui a tousiours esté égalle en cette famille, tousiours droicte, pèche maintenant du costé de l'or, ce



feroit vne estrange folie.

Mais tu ne le peux cognoistre estant Grec non regnicole : car si tu scauois l'ordre qu'il a porté a la police, celuy qu'il tient à chasser la corruption de la iustice du Chastelet. bref si tu te pouuois persuader qu'il est le fils de ce grand Roissi, il n'est pas croyable que tu eusse peu conceuoir ceste creance de luy : scache ce qu'il a faict & dict en l'assemblée: que si ses saintes intentions n'ont esté suiuiës a qui en est la fau-  
te, qu'à ceux qui se sont laissez porter ailleurs, qu'au salut de l'Estat : Il est donc homme non changeant, mais tousiours *de Mesme*, tousiours egal, tousiours luy *Mesme*.

Dans la pollice huguenotte tu y trouueras assez d'hommes, tu y remarqueras *Roan & Rosni* qui ne *L'es-desdiguieres*, & veux-tu apres cela d'autres hommes: l'un a serui son maistre & conserué les prouinces sous son obeysance en telle sorte qu'il la faict recognoistre Roy dans le plus hault des Alpes, à foudroyè toutes les puissances mesmes, & avec peu d'hommes a plantè les lys dans le Piedmont: l'autre à soustenu l'Estat, en a effuyé les ruynes les a restablies, & fait son maistre tellement grand & puissamment riche, qu'il la rendu la terreur de l'vniuers, & les delices de son peuple. Le dernier a si bien serui que le parti qu'on a le plus apprehendé, a esté tousiours le plus ferme & fidelle à son Prince, iamaistraistre : point de Barrieres, point de Chastels, point de Rauail-lacs parmy ces hommes, tousiours François, tousiours fidelles.

Que diras tu de ce grand Senat de France, de

ce grand Parlement: car bien que l'*Achilles* de la iustice n'y soit plus, que la iustice soit auuegle, que ce bras droit soit pour mort, nous y auons encor bien des hommes, tout y *seruient*. Nous y auons des *Verduns*, des *Potiers*, des *Seguiers* qui par tout font bien, mais les *Lays* ne font pas moins que tout cela en France pour le seruice de leur Roy: on ne void chez eux, ny pensions ny promesses, tout y est François: si subalterne tousiours François: si souuerain tout de *Mesme*: Et sçache *Diogene*, qu'il a seul autant conserué au bien de l'Estat que le reste de Paris ensemble, ie te le dis pour en estre fidelle tesmoing. Nous auons des autres Presidents qui sont encorés hommes des *Hagueuilles*, & *Lescalopiers*, mais peu de *Grands*, peu de gens qui *Roullent* peu de gens à *Gilles*, peu de *Landes*, peu de *Villeneufes*, tousiours des *Seruins*, tousiours des seruices, tousiours hommes tousiours François, aucunes corruptions iamais dans cet ame Françoisse, aussi sont-ils *seconde* par les autres fidelles subiects de leurs prince.

C'est dans ce parterre de iustice ou le *serf* du Roy *Vient*, il y est a toute heure, si on attaque la personne de son prince ce *serf* y *vient* aussi tost, si son autorité le *serf* *vient* encor, tousiours les pensions & les presens ne peuvent rien sur son ame, il ne *Molt* iamais tousiours entier, tousiours François, tousiours a son maistre.

Grand Senat ne flechy point, *Diogene* te le conseille en homme fidelle, continue tousiours a bien seruir le Roy, aye soin de la personne &



de son Estat & tu seras *secondé*. Tous les bons subiects & bons François te presteront l'espaule, si l'Estat se perd, si on ruïne le peuple, si on en veut au Roy, cours au rimon de ce vaisseau, prez de ton prince, tousiours pour le prince, & seras *secondé*.

Si on reuoque ses arrests, si on veut surprendre l'execution, si on te veut oster la cognoissance des affaires d'Estat, des maluersatiōs des officiers, cours au Roy ne cherche point d'autre *Ancre*, le port y est asseuré, pousse verston prince tu seras *secondé*. En fin sacré Senat continue à bien faire tu seras *secondé*.

Si ton Achilles est languissant, il n'est point encore mort, il sera tousiours ta force & ta conduite, ses paroles & ses conseils sont des oracles, suy-le, & tous les bons François te seconderont. Et bien qu'il semble que Diogene s'en prenne à toy sur le subiect de la Paulette: toutesfois il n'en veut qu'aux mauuais François, car s'il remarquoit la consequence de ceste affaire, aussi bien qu'il l'a voir, peut estre ne cōtinueroit il pas en l'oppinion qu'il a cōceüe.

Mais Diogene, c'est vn discours à part dont ie t'entretiendray quelque iour, & feray voir à la France l'importance de ceste affaire, ie ne suis que sur l'homme que tu cherche, & il m'a esté necessaire de te monstrier que la France en a de bons, & de grands & qu'elle foisonne en belles & *Longueuilles*, bien peuplées de bons François & d'hommes.

Contente toy donc Diogene tu as ce que tu cherche non vn homme seul, mais cent, mais mille, mais des millions: Cache donc la lenter-

ne, & si tu n'es tel que nous le desirons, ou nous, tels que tu nous desirer, attribue en la faute à nostre malice.

Que me reste-il plus à dire, Diogene: les mariages du Roy & de Madame sa sœur: Il faut que ie t'entretienne comme François & que ie te die que ce qui m'estonne est le discours de plusieurs mauvais François qui veulent assaictir leur souuerain aux loix de leur fantaisie.

Qu'elle honte qu'il se rencontre de si foibles & pernicieux esprits qui veulent controoller les actions de leur prince. Voire qu'il les veulent forcer à des choses qu'ils ne trouueroiēt pas bonnes eux mesmes. Et qui est l'homme au monde à qui on puisse interdire la volōté & le desir.

Le Roy par l'aduis de son Conseil a resolu les mariages: La volōté & l'affection de ceste alliance est mise en son ame, non tāt pour son particulier que pour le bien de Madame sa sœur pour le bien de son Royaume, pour toute la Chrestienté, en vn mot: & toutesfois Diogene il y en a qui osent entreprēdre cōtre S. M.

Je veūx que ce mariage ne soit si aduantageux qu'il eust peut estre esté ailleurs qu'il y ait mesme quelque interest pour l'estat, bref qu'il ne soit à la fantaisie des hommes: il estoit bon de le dire & le remonstrer auant qu'il eust esté faict & que l'honneur de la France y fust engagé, mais à present, c'est vne honte d'en parler dauantage, apres que la Roynes'y est obligee, que le Roy l'a voulu, qu'il a esté faict & ratifié par messeigneurs les Princes du sang que les Estats n'en ont dit mot.



Pourquoy mauuais François auez vous permis la despence que nous auons faicte pour y paruenir, & apres descrier ce que vous auez trouué bon: est ce ainsi qu'il faut parler, traiter, resoudre, faire des ambassades, embarquer l'honneur de la Couronne, & celuy des grands Princes qui portent les parolles, & apres se mocquer des souuerains.

Vous vous esté plaint qu'on n'a escouté la recherche de monsieur de Sancy, & vous voulez toutefois qu'on rompe vn mariage conclud & arresté, bagues baillees, & iour pris, ha que ce n'est pas ainsi qu'il faut viure! auant la parolle, & le traicté resolu, vos raisons estoient bonnes, mais a present c'est vn crime de leze Maiesté de les proposer.

Au surplus si i'auois entrepris Diogene, de faire voir au monde la vanité de tels escripts, & la foiblesse de ces raisons, la peine ne me seroit pas beaucoup grâde, mais les bons François le scauēt assez, c'est pourquoy ie m'en veux taire: ie diray seulement Diogene qu'il n'est permis aux suiets de seigneurier la volonté du prince, obeyssons, cela suffit, a la fidelité dont les François ont esté estimez iusques à present.

Cependât sage Royne conseruez nostre Roy vostre fils, assistez-le de vostre prudēte conduite: vous serez obeye & seruie de tous les bons François qui ne permettront iamais que leur reputation soit souillée de crime de rebellion & de dessobeissance.

Nous voila tantost Diogene au bout de nostre course, que desirer tu dauantage, ie ne t'ay pas peut estre satisfait, & peut estre scay tu

mieux que ie ne t'ay peu dire, tu en trouueras de plus hardis que moy: Mais sçache Diogene qu'à la Cour de France, il ne faut pas tout dire: n'as-tu point sçeu le bon office qu'on a voulu rendre à Caton ton cher ami, qui t'entretenoit si doucemēt l'autre iour, on le voulut loger en la Bastille: Et qu'elle fortune n'as-tu point couru, si la Royne eust voulu croire la passio de quelques mauuais François; certes les menuisiers de Paris estoient desia arrestez pour polir & *doler* les neuds du bois qu'on preparoit pour ton sacrifice, aussi pourquoy vas-tu broüillant apres nostre necessité: si tu te plains que nostre couronne n'est plus florissante, redouttee, plaine de grands thresors, ny paisible comme elle estoit il y a quatre ans, au contraire qu'elle s'ē va par l'ambeaux, nous le voyons Diogene & sçauōs bien que l'autre iour, tu *Vis le Roy* qui te l'aprit ainsi: mais ce n'est pas à nous à remedier aux ruynes de l'estat, les prisons ne sont remplies que de ceux qui crient: les officiers mesme souuerains sont menacez de mort s'ils peüent y pouruoir: Dors en repos Diogene, le Roy grandit & Dieu luy fera la grace de cognoistre quelque iour qu'il a des hommes en son Royaume.

Contente toy doncques de cest entretien à ceste heure, vn autre t'en dira d'auantage mais pour le moins souuiens-toy Diogene que tu as veu vn François qui ne se despartira iamais du seruice de son Prince, & pourras rapporter assurément en Grece que les feux, ny les fers ne pourront aucune chose sur ceuy qui aime son prince.

F I N.











